

Chor Rumantsch goes USA

DA LINARD AUGUSTIN

(cp) Igl Chor Rumantsch è nia fundo igl 1895. Gio da chel taimp scu anc osa è l'intensiun digl chor da mantignair ena cuminanza tranter igls Rumantschs dallas differentas valladas e passantar en bung taimp ansemen uscheia tg'ins creescha regurdientschas tgi vignan a restar ena veta duranta. Spezial è tg'igl chor vign mano e dirigia da giuvenils e giuvenilas. Uscheia tg'ins amprenda er gio bod a surpigliar responsabladad ed ins vei scu tgi è dad organisar provas, fegns d'emda da provas, concerts etc.

Igl Chor Rumantsch 2016

Igl Chor Rumantsch ò già tamps cun pi pac(a)s cantadour(a)s e tamps noua tgi el stava prest alla limita dalla sia existenza e tamps cun bler(a)s cantadour(a)s. Nous ischans fitg loschs tgi igl mument totgan 40 cantadour(a)s agl noss chor. I fo grond plaschein dad aveir tants tgi èn motivos ed angascheas per cantar, pigl chor e per la cuminanza. Scu mintg'onn daina er chest onn en concert. Ma chest'onn dattig dus concerts fitg extraordinaris, damai tgi nous luvgagn cun



Il Chor Rumantsch da la scola chantuala da Cuira sgola bainprest en ils Stadis Unids da l'America.

band, tecnica moderna da tribuna u miger detg cun tung, maletg, gleisch, etc. Chels concerts on li igls 2 ed igls 3 d'avregl a Vella. Nous ans legragn da mintga aspectatour.

Chor Rumantsch goes USA

Chest onn vainsa pero anc en oter highlight segl noss program. Nous vagn survagnia la caschung unica d'accumpagner la StimmWerkBande all'America. 11 cu-raschous(as) cantadour(as) peglian part a chest viadi. Nous sgulagn gievvia, igls 14-4-2016 davent da Milang e sa platgagn 10 ouras pi tard a Tennessee. Lò daina dis anfignen treis concerts. Tigl amprem concert cantainsa la 9avla sinfonía da Beethoven ansemen cun en chor dall'America. Damai tgi chesta ovra è fitg pretentiousua vainsa nous antschet a far provas supplementaras apostea per trenar chesta ovra. Chegl faschaisa ansemen cun la StimmWerkBande ed igl sies dirigen *Christian Klucker*. Igls dus otres concerts on li an scolas ve Tennessee. Damai spetgä sen nous en viadi zont musical. Ma betg da lascher ord igl è natural-maintg tgi nous faschagn er en barat da cultura cun igls Americans.

Alla Notg

Cura ch'il sulegl
banduna
igl azur infinit

Clarezia sparrescha
anetg, sco la cumparsa
d'in cametg

Steilas semuossan
al firmament -
in betsch nocturn

Il pelegrinadi
dallas olmas -
il sturnezi dils senns

Alla
tscherca
d'aventuras
luminosas.

«Alla notg» ei in dils maletgs dall'exposizion Tschalers & Surcombras. Tschalers & Surcombras ei ina rinnada da poesias e fotografias da Carin Caduff. L'exposizion ha aunc lug entochen ils 12-3-2016 el Hirschenek a Basilea.

FOTO CARIN CADUFF

Tge è quai?

Tramettai las propostas da soluziun a flavia.hobi@bluewin.ch cun la schanza da gudignair in bel premi!

Seminari da minoritads: Rimnar e trenar cumpetenzas

DA FLAVIA HOBI

Davent dals 16 fin ils 21-2-2016 han enturn 30 giuvenils profità da la schanza da pudair visitar il «kick-off» seminari «opening doors» da la YEN (Youth of European Nationalities) a Belgrad, la capitala da Serbia. Organisà quest eveniment ha la minoritad dals Serbs-aromani, numnads Cincar, cun lur organisaziun «Lunjina». Las finamiras dals quarter dis da lavur era da rimnar cumpetenzas per animar la giuventetgna da sa participar. Pli exact vul qui dir da sviluppar qualificjuns sco per exemplu tras comunicar, motivar u la lavur en gruppa. Vinavant munta qui era da pudair manar discussiuns publicas e sustegnair process da decisiuns; betg d'emblidar dad esser capabels da prender iniziativa. Trenà avain nus questas qualificjuns tras modas sco «forum theatre», pensums che stevan en contact cun indigens u lavur cun social media sco «blogging» (scrivere blogs) respectivament «vlogging» (far films). Quests lavoratori variants èn vegni creads e manads da differents trenaders professiunals.

Ma sper la lavur avain nus er empren-di bler davart ils Cincar, lur societat en Serbia, la istoria e cultura. Tranter auer avain nus visità il museum da Nikola Tesla, igl inventader, fisicher ed electroinschigner da renum mundial. Spezial da menziunar è seguir era la gronda ospitalitat dals Cincar durant la «vlach-night» nua ch'els han legi e chantà en lur lingua e plinavant preparà bleras spezialitads culinaricas. Da questas dad autras minoritads avain nus già pudi degustar il di avant durant la saira interculturala. Quai vul dir preschentazius da maglia e bavronda sco per exemplu dals Slowens u Croats en l'Austria, dals Tudestgs en Russia u dals Frislandais per be numnar in pèr da las minoritads sa participadas. Persuenter avain nus Rumantschs fatg enconuschten la turta da nuschs, paun cun paira, chaschiel d'alp u rosoli. Latiers han ins era pudi tadlar differenta musica ed emprender in u l'auter saut indigen. Durant il temp li-

ber u las tschaveras han ins profità da discurs interessants cun las autres minoritads che avrivan novs sguardi e perspectivas nunenconuschtenas da las vitas differentas. Ina buna chaschun perquai era tranter auer seguir la saira libra ch'era per la gronda part emplenida cun sortida e divertiment. En fitg buna regurdientscha resta uschia era la davosa saira per la quala ils Cincar han organisa ina tschaina speziala a Skadarlija en la citad veglia da Belgrad. Nus avain pass-



Participantas e participants fotografà a l'avertura uffiziala dal seminari da minoritads a Belgrad (Youth of European Nationalities).

FOTO OLIVER OSTOJIN



Spezialitads culinaricas dals Cincar ch'els han preparà per la «vlach-night».

FOTO FLAVIA HOBI